



Broj: 11-14-43/18  
Vogošća, 16.02.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 16.02.2018. godine donio je

**ODLUKU  
O IZBORU NAJPOVOLJNIJEG PONUĐAČA ZA PRUŽANJE USLUGE FIZIČKOG  
OBEZBJEĐENJA OBJEKTA KASARNE "ENVER ŠEHOVIĆ" U SEMIZOVCU**

**Član 1.**

Ponuda ponuđača "Inza" d.o.o. Sarajevo, ulica Vitomira Lukića broj 12 A. Sarajevo, odabrana je za pružanje usluge fizičkog obezbjeđenja objekta kasarne "Enver Šehović" u Semizovcu, kao najpovoljnija ponuda po kriteriju najniže cijene, sa ukupnom cijenom nabavke u iznosu od 14.100,00 KM bez PDV-a, odnosno 16.497,00 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 29.01.2018. godine donio Odluku o pokretanju postupka Konkurentskog zahtjeva za dostavu ponuda za pružanje usluge fizičkog obezbjeđenja objekta kasarne "Enver Šehović" u Semizovcu, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 29.01.2018. godine pod brojem: 1353-7-2-8-3-16/18.

Tendersku dokumentaciju sa Portala javnih nabavki BiH je preuzelo 10 (deset) ponuđača. Krajnji rok za prijem ponuda je bio 08.02.2018. godine do 14:00 sati.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 11-14-43/18 iz januara 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke konstatuje da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Inza" d.o.o Sarajevo	15.376,50	/	/	17.990,50
2	"Middle point electronics" d.o.o. Sarajevo	15.376,50	/	/	17.990,50
3	"Sword security" d.o.o. Sarajevo	15.376,50	/	/	17.990,50
4	"Condor" d.o.o. Zenica	15.346,35	/	/	17.955,23

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Condor" d.o.o Zenica ne ispunjava formalno-pravne uslove tražene Tenderskom dokumentacijom i to:

- Tačkom 7.2.1. TD, a u skladu sa članom 46. Zakona, traženo je da se uz ponudu dostavi dokaz o registraciji u odgovarajućem profesionalnom ili drugom registru u zemlji u kojoj je ponuđač registrovan ili da se obezbijedi posebna izjava ili potvrda nadležnog organa kojom se dokazuje pravo ponuđača da obavlja profesionalnu djelatnost, koja je u vezi sa predmetom nabavke. Dokazi koji su traženi moraju biti originali ili ovjerene kopije ne starije od tri mjeseca računajući od dana podnošenja ponude. Kao dokazi TD su zahtjevani Izvod iz sudskog registra i Rješenje nadležnog ministarstva unutrašnjih poslova za obavljanje poslova fizičke zaštite, u skladu sa Zakonom o agencijama i unutrašnjim službama za zaštitu ljudi i imovine.

Ponuđač "Condor" d.o.o Zenica je u svojoj ponudi (strana 6-10 ponude) dostavio Rješenje o izmjenama podataka izdato od strane Općinskog suda u Zenici broj: 043-0-Reg-16-001007 od 20.10.2016. godine, isto je starije od tri mjeseca računajući od dana podnošenja ponude, i samim tim u koliziji sa traženim zahtjevom Ugovornog organa iz TD.

- Tačkom 9.9.1. TD propisano je da će Ugovorni organ dostaviti na potpis izabranom ponuđaču prijedlog Okvirnog sporazuma, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Okvirnog sporazuma je uključen u Aneks 8. tenderske dokumentacije ("nacr"). Ponuđač treba samo potpisati prijedlog Okvirnog sporazuma i popuniti dijelove koji su ostavljeni prazni.

Ponuđač "Condor" d.o.o Zenica u svojoj ponudi (strana 28-30 ponude) nije ispoštovao traženi zahtjev Ugovornog organa iz tačke 9.9.1. TD, tj. nije popunio dijelove koji su ostavljeni prazni u nacrtu Okvirnog sporazuma-Aneks 8 TD.

Ponude:

- ponuđača "Inza" d.o.o. Sarajevo,
- ponuđača "Middle point electronics" d.o.o. Sarajevo i
- ponuđača "Sword security" d.o.o. Sarajevo

ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9. 5. (Ispravka računskih grešaka i e-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana 16.02.2018. godine u 9:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 16.02.2018. godine, Komisija za javne nabavke je sačinila sljedeću Rang listu u postupku Konkurentskog zahtjeva za dostavu ponuda za pružanje usluge fizičkog obezbjeđenja objekta kasarne "Enver Šehović" u Semizovcu:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Inza" d.o.o. Sarajevo	14.100,00	16.497,00
2	"Middle point electronics" d.o.o. Sarajevo	14.450,00	16.906,50
3	"Sword security" d.o.o. Sarajevo	14.600,00	17.082,00

Shodno utvrđenoj rang listi, Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Inza" d.o.o. Sarajevo, za pružanje usluge fizičkog obezbjeđenja objekta kasarne "Enver Šehović" u Semizovcu, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 14.100,00 KM bez PDV-a, odnosno 16.497,00 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

- |   |             |
|---|-------------|
| 1. "Inza" d.o.o Sarajevo                      | 033/777-401 |
| 2. "Middle point electronics" d.o.o. Sarajevo | 033/677-157 |
| 3. "Sword security" d.o.o. Sarajevo           | 033/664-483 |
| 4. "Condor" d.o.o. Zenica                     | 032/203-322 |
| 5. Nadležnoj Službi                           |             |
| 6. U dosije                                   |             |
| 7. a/a  |             |

OPĆINSKI NAČELNIK

EDIN SMAJIC